

MME UTOM OBUKIDEM YE MFRI SPIRIT

Ñwed Mbon Galatia 5:16-26; 6:1-10.

QYQHQ UKPEP-ÑKPQ 400

Eke Ikpọ Owo

IKQ IBUOT: “Edi mbuñwum Spirit edi ima, ye idaresit, ye emem, ye ime, ye mfon-ido, ye eti ido, ye erinam akpanikọ, ye ifure-ifure ido, ye mfara ke idem; baba ibet kiet ibiñọke oruk edu emi” (Ñwed Mbon Galatia 5:22, 23).

I Mme Utom Me Mfri?

1 Uwem Spirit ọbọhọ ke mme utom obukidem, Ñwed Mbon Galatia 5:16-18; Ñwed Mbon Rome 8:1, 2; Psalm 1

2 Mme utom obukidem eyesio owo ke Heaven efep, Ñwed Mbon Galatia 5:19-21; Jude 14, 15; Psalm 9:17

3 Ndinana se etiñde edian mfri Spirit oto ke ndisaña ke Spirit, Ñwed Mbon Galatia 5:22-26; 1 Ñwed Corinth 13

II Editọ Ye Eridọk

1 Mme mfri mfon-ido, ime, eti ido ye ima emi etode ke ifure-ifure ido, mfara ke idem ye edinam akpanikọ, oñwum idaresit ye emem, Ñwed Mbon Galatia 6:1-5; 2 Peter 1:4-8

2 Ndibuana ñkpọ edi utom anditiene-Christ, Ñwed Mbon Galatia 6:6, 10; Matthew 10:40-42; Mme Ñke 19:17; 1 Ñwed Corinth 9:7-19

3 Idọk iditreke ndidu, Ñwed Mbon Galatia 6:7-9; Jeremiah 17:9, 10; Matthew 16:25, 26

SE EKPEPDE EBAÑA

Esaña Ke Spirit

Ke ini owo akabarede esit, enye amana oto ke Spirit. Edi edimana edi ñtọñọ kpọt. Ndisaña ke Spirit edi se eyomde man ekeme ndimum uwem Spirit ñkama. Jesus ama ekpep abaña usuñ edikañ-idem. Paul ama etiñ ikọ-ntiense ete ke imọ imumum idem-imọ inim ke idak. Okposuk edi nte erinyaña osiode idiok-ñkpọ efep ke uwem nnyin, edinam-asana onyuñ emende uduot Adam efep, nnyin isuk idi owo, ntre idomo enyene ndisim nnyin. Ediyak idem ke akam nno Abasi kpukpru usen edi ñkukure usuñ ndisaña ke Spirit. “Koro adaña owo nte Spirit Abasi adade mmọ usuñ, mmọ oro edi nditọ Abasi” (Ñwed Mbon Rome 8:14). Edieke Spirit adade nnyin usuñ, nnyin idi mme andikan. Emen utom obukidem efep.

Obukidem

“Erikere ñkpọ obukidem edi eriñwana ye Abasi. Koro utọ esit oro misukke ibuot inọ ibet Abasi, minyuñ ikemeke ndisuk ibuot” (Ñwed Mbon Rome 8:7). Ke idem owo emi minyañake, ekọñ ke aka iso kpukpru ini ke ufot ekikere ye esit obukidem esie. Ke owo akpañde utọñ ọnọ uyo emi otode ekikere esit esie, oro eyeda enye osim erikabare esit. Erikabare esit edi ndinyene ukpuhore ke esit, emi ke owo osuk akade iso eyire ọsuñọ ke erinyaña ukpọñ emi emende ekikere obukidem efep.

Mme ikọ emi edọhọde ete uduot Adam, obukidem, me, idiok-ñkpọ, edi ukem-ukem ke etiñde edian esit eke minamke asana. Ke ini owo ọbode erinyaña, uduot obukidem ọbọ ita emi anamde enye odu ke nsuhoreidem mbemiso enam owo asana, uduot obukidem emi eyesiñwana ndusuk ini ndiwut idem. Oto

ke mbuotidem, akam ye ediyak idem, owo ekeme ndinyene mbufiok edinam-asana ke ndo-ndo oro. Eno-mfon emi ada oyohoyohoyoh nsobo uduot obukidem edi.

Ebiat ekikere obukidem efep ke ini ebode erinyaña, enyuñ esobo uduot Adam me uduot obukidem ke ini ebode edinam-asana, edi emi inamke ekon okure ofuri-ofuri. Mmo eke enamde esana eyesuk ekut idomo; andidomo emi otode añwa ke osuk odudu. Sia nnyin isuk idide owo, uwem ikpohidem osuk ododu emi inyenede ndiyak nno Abasi ofuri-ofuri. Kpukpru udon ye uduak emi nnyin inyenede ke ererimbot enyene ndisuhore nsine ke nda-usun Spirit ye ediyak idem nno Abasi. Mi ke erikañ-idem, erinim idem nnyin ke idak ye edikpa kpukpru usen, oduk edi, emi etimdeefon ke uwem Spirit.

Idiok-Nkpọ Ayarare

“Owo eke odipde idiok ido esie idikwe unen” edi ikọ Andikpon Nkan. Adam, Achan, Ananias ye Sapphira ema edomo ese, edi ofuri akpanikọ ete toño ke eritono tutu osim emi, mme owo edomo ndidip mme idiok-nkpọ mmo. “Mme utom obukidem eyarare”; mmo etibe nte mbiet ke inwañ, ediọ, idighe se eyomde, enyuñ edi oburobut, edi mmo edu do. Mme utom obukidem edi se itode esit eke minaha mbobi. “Esit abiaña akan kpukpru nkpọ, onyuñ abiara fap” (Jeremiah 17:9).

Ke midaha Iyip Jesus isohi idiok-nkpọ ifep, utom obukidem eyesuk ododu; eyenyuñ ayarare idem owut. “Baba eti eto kiet iduhe eke onwumde idiok mfri; mbiara eto inyuñ iduhe eke onwumde eti mfri. Koro efio kpukpru eto kiet-kiet ke mfri esie. Koro owo itetke fig ke nkukim, inyuñ itetke grape ke mbara-ekpe. Eti owo osioño se ifonde ke nti nkpọ eke enye okobonde ke esit esie; idiok owo onyuñ osioño se idiokde ke mme idiok-nkpọ eke enye okobonde ke esit esie; koro oto ke uyohoyohoyoh esit ndien inua etiñ” (Luke 6:43-45).

Mme Utom Obukidem

Okposuk edi nte edisio ke ndo nono ntak ndo efen ke ini akpa owo osuk odude ke uwem, okutde unen ke mme esop ubiere-ikpe, onyuñ edide se mme owo enamde, Jesus okodohoyoh ete, “Owo ekededi eke osiode nwan esie, onyuñ odode efen, esin efibe abiat enye” (Mark 10:11). Idiok-nkpọ emi ada nte akpa ke anyan udim mme utom obukidem emi edohode ete “Mmo emi enamde oruk ido eke etiede ntem ididaha Obio Ubon Abasi inyene”.

Mfri

Mme eno Spirit edi nsio-nsio. Abasi emekeme ndino owo kiet ukeme ndisiak uduak Abasi, ye eken ukeme ndidomo mme Spirit, edi mfri Spirit enyene ukpuhore. Otim owut mi ete ke mfri kiet odu emi akamade mme uwak nkpọ nte ima, idaresit, emem, ime, mfon-ido, eti ido, erinam akpanikọ, ifure-ifure ido ye mfara ke idem. Ke idomode ise iyekut ite ke nkpọ nte sokoro akama mmon, suka, ikpok, acid, iron ye mme nkpọ eken emi esuk edide mme mbak ke idem ofuri sokoro oro. Owo emi amanade oto ke Spirit Abasi enyene udomo kpukpru mfri Spirit. Nte osuk akade iso notuño-notuño ke Christ, eriyet eyeda itie man oto do enye ekpekeme ndisioño mfri ekese, edi osuk edi ukem mfri: ima, idaresit, emem, ime, mfon-ido, eti-ido, erinam-akpanikọ, ifure-ifure ido, mfara ke idem. Ke owo ananade kiet ke otu mme nti idaha emi, enye emenyene unana ke Spirit Abasi. Nkpokobi ukwak isonke ikan ata mmem-mmekpri oro edade esobo enye edian. Nnyin inyeneke ikan udomo Spirit Abasi nte se iwutde idem ke ini nkpọ iyaresit otibede. Nte mme anditiene-Christ, nnyin inyene ndiyak idem nno ntunọ Abasi man “ediñ” nnyin nte vine me eto man ikeme ndisioño “mfri”.

Ndineñere

Edieke ekutde owo ke ndudue ekededi, edi itie owo emi odude ke Spirit ndida spirit ifure-ifure ido nneñere enye. Owo emi Spirit ama okobohoyoh enye ekeme ndikut ndudue oro onyuñ añwana ndineñere, edi edinam oro eyenam nkpọ oro ododiok akan.

Ini Utọ Ye Ukpeñe

Ke Mmon-ukwo ama okokure, Abasi ama onwoño ono Noah ete: “Adaña ofuri ini eke ison ododu, utọ ye ukpeñe, ye tuep ye eyo, ye ndaeyo ye ukwo, ye uwemeyo ye okoneyo iditreke” (Genesis 8:22).

Oro edi nnen-nnen ibet ke abaña editọ ye edikpeñe. Edieke nnyin itọde inọ obukidem iyedọk mbiara oto obukidem. Emi edi akpanikọ, idighe ke abaña mme oburobut idiok-ńkpọ emi ewetde ke Ẹwẹd Mbon Galatia 5:19-21 ikpọñ, edi abaña ńko ọtọ-ińwañ emi ekebierede ndiwuri mme ufok ubon udia esie nnyuñ mbọp se ikponde. Enye okodu uwem ọnọ idem-esie ikpọñ ndien ikenyeneke ńkpọ ke ńkañ Abasi (Se Luke 12:16-21). Ediwak mme anam-idiok emi efehede mme ikpọ idiok-ńkpọ eken, edi enamde ọkpọsọñ utom man enam itie mmọ efon ke ererimbot esuk etọ enọ obukidem enyuñ esin uwem ukpọñ mmọ. “Ofuri-ofuri se idude ke ererimbot, . . . itoho Ete” (1 John 2:16). Mme ńkpọ uwem emi mme owo ekpade utom ke esit man enyene eyebe efep. Kpa idem ikpọhidem emi mme owo ekpade utom man ekama ọfon eyefiak ke mbiara. Eke Spirit ikpọñ edisuhọ. Nte afo udutoñọke mfin emi ndibiat ọkpọsọñ ini nditọ nnọ Spirit man oto ke Spirit afo ọkpọdọk nsinsi uwem?

“Eyak ikupka mba ke erinam eti ńkpọ; koro ke edikem ini nnyin iyedọk mbuñwum, edieke nnyin miyakke idem emem nnyin”. Okposuk edi nte owo midokke mme utip editọ nnọ Spirit oyọhọ-oyọhọ mfin, ini idok eyedi. Ke ufot kpukpru oruk idiok-ńkpọ emi edude ke ererimbot emi, anie oyom ndibon ediwak ńkpọ ke ubet nnọ ediwak isua? Nte ifonke nnyin ndinim gold nnyin ke mme efak Heaven nnyuñ ńkop inemesit ńkan ndinim ke ọkpọsọñ ubet unim ńkpọ emi mbiara edisimde? Nte ediye linen emi asanade onyuñ esemde ifonke ikan ọfon emi nkarafañ atade? Nte afo udutimke uyom ndinyene ebiet iduñ emi Andibot ofuri ńkpọ ọbọpde akan ufok ke ererimbot? Tọ nọ Spirit nyuñ tiñ ye Paul, owo-mbet ete, “Nnyin imọfiok ite, edieke ataya eke idañde ke esit ke ison emi owurede, imenyene ufok eke Abasi ọnọde, eke midaha ubok owo ibọp, eke ebighide ke nsinsi ke Heaven” (2 Ẹwẹd Corinth 5:1).

MME MBUME

- 1 Owo edisaña didie itre ndinam udon obukidem?
- 2 Nso ke Jesus akabat esin nte efibe?
- 3 Nte owo emi mme utom obukidem ayararede ke enye ekeme ndiduk Obio Abasi?
- 4 Nso edi idaha emi enode ndida nneñere eyen-ete emi enyenede ndudue?
- 5 Nso inyene ndida itie ke owo esede idem esie ke ńkpọ ke ini enye midighe ńkpọ?
- 6 Owo asaña didie ayarare utom esie?
- 7 Nso ke owo emi otode onọ obukidem edidok? Enye emi otode onọ Spirit onyuñ odok nso?
- 8 Nso ke edohọ nnyin inam edieke nnyin inyenede ifet? (Ẹwẹd Mbon Galatia 6:10).
- 9 Owo ekeme didie ndisaña ke Spirit?
- 10 Nso ke mmọ emi edide eke Christ enam ke abaña udon obukidem?